



外科理例卷之六下

新安初明朴里汪機肯之編輯

同邑石野門生陳掄惟宜較正

脫疽百九

丁生手足指或足指而自脫或各脫有發于手指者名趾疽即丁重者為本即輕者筋

焮痛者除濕攻毒更隔蒜灸至不痛

焮痛或不痛者隔蒜灸更用解毒藥若色黑急割去速服

補劑庶可救黑廷上者不治

色赤焮痛者托裡消毒更煎灸

作渴者滋陰降火色黑者不治

一人足指患此焮痛色赤發熱隔蒜灸之更以人參敗毒

散去桔梗加金銀花白芷大黃二劑痛止又十宣散去

桔梗官桂加天花粉金銀花數劑而平此惡症也

一人年逾四十左足六指赤腫焮痛此脾經積毒下注而然名曰脫疽喜色赤而腫以人參敗毒散去人參桔梗加金銀花白芷大黃二劑更以瓜蒌金銀花甘草即四劑頓退再以十宣散去桔梗桂加金銀花防已數劑愈一人患此色紫赤不痛隔蒜灸五十餘壯尚不痛又明灸百壯方知乃以敗毒散加金銀花白芷數劑而愈一膏梁年逾五十亦患此色紫黑脚焮痛孫真人曰脫疽之症急斬之去毒延腹必不治色黑不痛者亦不治喜其飲食如故動息自寧為瘡善症遂以連翹敗毒散六劑更以金銀花瓜蒌甘草即二十餘劑患指潰脫更以芎歸生苾連翹金銀花白芷二十餘劑而愈

次年忽發渴服生津等藥愈盛用八味丸而止

大抵此症皆由膏梁厚味或房勞太過丹石補藥所致其發于指微赤而痛可治治之不愈急斬去之庶可保否則不治色紫黑或發于脚背亦不治或先渴而後發或先發而後渴色紫赤不痛此精氣已竭決不可治

一蕩蕘左足指患一泡麻木色赤次日指黑五日連足黑冷不知疼痛脉沉細此脾胃受毒所致進飛龍奪命丹一服翌日令割去足上死黑肉割後骨始痛可救治以十全大補湯而愈

此因礙在肉黑知為毒盛礙在肉黑知為

蓋死肉乃毒氣盛拒截榮氣所致况至陰之下血氣難達經曰風淫末疾是也倘若攻伐之則邪氣乘虛上侵必不救矣

一人足指患之大痛色赤而腫隔蒜灸之痛止以人參敗  
毒散去桔梗加金銀花白芷大黃而潰更以仙方活命  
飲而痊此憑症也

此症形勢雖小其惡甚大須隔蒜灸之不痛者宜明灸  
之庶得少殺其毒此症因膏梁厚味酒麪灸燻積毒所  
致或不慎房勞腎水枯竭或服丹石補藥故有先渴而  
後患者有先患而後渴者皆腎水涸不能制火故也初  
發而色黑者不治赤者水未涸尚可若失解其毒以致  
肉死色黑者急斬去之緩則黑疔上足必死而患不問  
腫潰惟隔蒜灸有效亦有色赤作痛而自潰者元氣未  
脫易治夫至陰之下血氣難到毒易腐肉藥力又不易  
到況所用皆攻毒之藥未免先干腸胃又不能攻敵其

毒不若隔蒜灸并割去最為良法孫真人云在指則瘡  
在肉則割去即此意也

一人足指患之色黑不痛令明灸三十餘壯而痛喜飲食  
如常予謂急割去之速服補劑彼不信果延上遂致不  
一人脚背患之色黯而不腫痛煩躁大渴尺脉大而滴此  
精氣已絕不治後歿

又有手指患此色黑不痛其指已死予欲斬去速服補藥  
恐黑上臂不治彼不信另服敗毒藥手竟黑遂不救

一人足指患之色紫不痛隔蒜灸五十餘壯尚不知痛又  
明灸百壯始痛更投仙方活命飲四劑乃以托裡藥潰  
脫而愈此憑症也

一人脚背患此赤腫作痛隔蒜灸三十餘壯痛止以仙方

活命飲四劑而潰更以托裡消毒藥而愈 此憑症也

一人足指患之色赤焮痛作渴隔蒜灸數壯以仙方活命

飲三劑而潰更服托裡藥及加減八味丸潰脫而愈

一婦修傷次指成膿不潰焮痛至手悞敷冷藥以致通潰

飲食少思彼為毒氣內攻胗脉沉細此痛傷胃氣而然

遂刺之服六君子加藿香當歸食進更以八珍湯加黃

耆白芷桔梗月餘而愈 此憑症脉也

一人傷拇指色紫不痛服托裡藥及灸五十餘壯作痛潰

膿而愈 此憑症也

一幼女因凍傷兩足至脊發潰指俱壞令取之服大補藥

而愈 此憑症也

一艾患嵌甲傷指年逾不愈日出膿數滴予謂足大指乃

脾經發源之所宜灸患處使瘀肉去艾氣至瘡口自今

否則不治彼惑之不早治後變勞症而歿

蓋至陰之下血氣難到女人患此多因托縛致血脉不

通或被風邪所襲則無血氣榮養遂成死肉惟當壯脾

胃行經絡生血氣則愈有成破傷風以致牙關緊急口

眼喎邪者先玉真散一二服然後投以生血通經劑

面瘡百下 附願毒

一人年逾三十夏月熱病後患頤毒積日不潰氣息奄奄

飲食少思大便不禁胗脉如無經曰脉息如無似有細

而微者艾氣衰也齊氏曰飲食不入大便滑利腸胃虛

也以六君子加炮姜肉豆寇破故紙數劑泄稍止食稍

進更加黃栢當歸肉桂潰而膿水清稀前藥每服加熟

附一錢數劑泄止食進膿漸稠再以十全大補湯加酒炒芍藥白欬月餘而愈此憑脉症也

一人年踰四十胃氣素弱面常生瘡盜汗發熱用黃耆建中湯少愈更用補中益氣湯而平此憑症也

東垣云氣虛則腠理不密和氣從之逆于肉理故多生瘡若以甘溫之劑實其根本則腠理自固即無他疾

一人年三十面患瘡潰已作渴自服托裡及降火藥不應脉浮而弱丹溪曰潰瘍作渴屬氣血俱虛遂以參耆各

三錢歸朮木各二錢數服渴止又以八珍湯加黃耆數劑脉欬而愈此憑脉症也

一人年四十頭面生瘡數枚焮痛飲冷積日不潰服清熱消毒不應脉數按之即實用防風通聖散四二劑頓愈

又以荆防敗毒散而愈此憑脉症也

一人年逾六十素食厚味頰頰患毒未潰而肉先死脉數無力此胃經積毒所致然頰頰正屬胃經未潰肉死則

胃氣虛極老人豈宜患此果歿經曰膏粱之變足生大丁受如持虛此之謂也

口齒百二

一人齒痛脉數實便秘用防風通聖散即愈此憑脉症也

一人齒痛甚胃脉數實以丞氣一劑即止此憑脉症也

一老齒痛午後則發至晚尤甚胃脉數而實以涼膈散加

荆芥防風石膏一劑而瘳此憑症脉也

一人齒痛胃脉數而有力以清胃散加石膏荆芥防風二

劑而痊此憑脉症也

一人齒痛脉浮無力以補中益氣湯加黃連生地黄石膏治之不復作憑脉症也

一人齒痛脉數無用補中益氣加生芩牡丹皮而愈

一人齒腫痛焮至頰頰素善飲治以清胃散數劑而愈

一人齒痛服清胃散不應服涼隔散愈盛予用補腎丸四

而愈

此條因治不効而知為腎虛也

一人頰腫焮至牙齦右關脉數此胃經風熱上攻也治

以犀角升麻湯而消此憑症脉也

一婦常口舌糜爛頰赤唇乾眼澁作渴脉數按之則滿此

心肺壅熱于氣血為患各熱勞症也當多服滋陰養血

藥彼欲速効用敗毒寒劑攻之後變察而歿

良方云婦人熱勞者由心肺壅熱傷于氣血氣血不

臟腑壅滯熱毒內積不得宣通之所致也其候心神煩

躁頰赤頭痛眼澁唇乾四肢壯熱煩渴不止口舌生瘡

神思沉昏嗜卧少寐飲食無味舉躰痠疼或時心怔或

時盜汗肌膚日漸消瘦故名熱勞也

### 口舌瘡百二十二

一人胃弱痰盛口舌生瘡服滾痰丸愈盛吐瀉不止惡食

倦怠此胃被傷也予以香砂六君子湯數劑少可再

以補中益氣加茯苓半夏二十餘劑而愈

夫胃氣不足飲食不化亦能為痰補中益氣乃治痰之

法也苟虛症而用峻利之藥鮮有不殆

一人年踰四十貌豐氣弱遇風則眩勞則口舌生瘡胸常

有痰目常赤澁服八味丸而愈此憑症也

一人脾胃虛初服養胃湯枳木丸有效久服反虛口舌生瘡勞則愈盛服敗毒藥則嘔吐比中氣虛寒也治以理中湯少愈更以補中益氣加半夏茯苓月餘而平夫養胃湯香燥藥也若飲食停滯或寒滯中州服則燥開脾胃宿滯消化少為近理枳木丸消導藥也雖有白朮終是燥劑故久服比二藥津液愈燥胃氣愈虛况胃氣本虛而用之豈不反甚其病哉亦有房勞過度真陽虛憊或元稟不足不能上蒸中州不運致食不進者以補真丸三治之使丹田之火上蒸脾土則脾土溫和中焦自治飲食自進經曰飲食不進胸膈痞塞或食不消大府溇泄此皆真火不能上蒸脾土而然也若腎氣壯則丹田之火上蒸脾土則無此病矣 一方小兒

口瘡江茶粉草為末付之一方 用黃丹

又方 苦參 黃丹 五倍子 青黛等分研為末敷

又方 青黛 芒消 為末付

胎毒口瘡 五倍子 黃丹 江茶 芒硝 甘草等分

為末付 又方口瘡 等分為末 更相細辛青鹽 之三日即愈

咽喉百二十三

疼痛或寒熱者邪在表也宜發散

腫痛痰涎壅盛者邪在上也宜降之

痛而脈數無力者屬陰虛宜滋陰降火

腫痛發熱便秘者表裡俱實也宜解表攻裡如症緊急便

刺患處或刺少商穴

一人咽喉腫數以荊防敗毒散加黃連二劑少愈乃去荊



連又六劑而愈 此憑脉症也

一人乳蛾腫痛脉浮數尚未成膿針去惡血飲荆防敗毒散二劑而消 此憑症也

一人咽喉作痛痰涎上壅予欲治以荆防敗毒散加連翹山梔玄參牛蒡子彼自服甘寒降火之藥反加發熱咽愈腫痛急刺少商二穴仍以前藥加麻黃汗之諸症並退惟咽間一紫泡仍痛此欲作膿以前藥去麻黃一劑膿潰而愈 此憑症也

凡咽痛之疾治之早或勢輕者宜荆防敗毒散以散之治之遲或勢重者須刺少商穴瘀血已結必刺患處亦有刺少商咽雖利而未痊消者必成膿也然膿去則安若有大便秘結者雖經針刺去血必以防風通聖散

攻之然其寒之劑非虛火不宜用

一婦咽喉腫痛大小便秘以防風通聖散六一劑諸症悉退又荆防敗毒散 三劑而安 此憑症也

治此輕則荆防敗毒散吹喉散 重則用金鑰匙及刺患處出血最效否則不效針少商二穴亦可但不若刺患處之神速耳

一人咽喉腫痛脉數而實以涼隔散一劑而痛止再以荆防敗毒散加牛蒡子二劑而腫退以荆防敗毒散二劑又以甘桔荆防玄參牛蒡子四劑而平

一人噎膈腫痛脉浮數更沉實飲防風通聖散六一劑瀉一次勢頓退又荆防敗毒散二劑而消 此憑症也

一人咽喉腫秘牙關緊急針不能入先刺少商二穴出黑

血口即開更針患處飲清咽利膈散一劑而愈此憑症也  
大抵吐痰針刺皆有發散之意故多効不用針刺多致不救

一人咽喉腫閉痰涎壅甚以膽礬吹咽中吐痰碗許更以清咽利膈湯四劑而安此憑症也

一人咽喉腫痛藥不能下針患處出紫血少愈以破棺丹噙之更以清咽消毒散而愈此憑症也

一人咽喉乾燥而痛以四物湯加黃栢知母玄參四劑少愈再用人參固本丸一劑不復發

一人口舌生瘡服涼藥愈甚脉數無力以四物加酒炒黃栢知母玄參一劑頓退四劑而痊此憑脉症也  
一人咽痛午後益甚脉數無力以四物湯九加黃栢知母荆防四劑而愈仍以前藥去荆防加玄參其結數劑後

不再發

一人口舌糜爛服涼藥愈甚脉數無力以四物加酒炒黃栢知母玄參一劑頓退四劑而痊此憑脉症也

一人口舌生瘡飲食不甘勞而愈甚以理中湯頓愈此憑症也  
一人口舌生瘡脉浮而緩用補中益氣湯六加炮乾姜更

以桂末含之即愈

一人患之勞而愈甚以前藥加附子三片二劑即愈  
丹溪曰口瘡服涼藥不愈者此中氣不足虛火從上煎制用理中湯甚則加附子

一弱人咽痛服涼藥或遇勞愈甚以補中益氣湯六加苓連四劑而愈乃去苓連又數劑不再發此憑症也

常治午後痛去苓連加黃栢知母玄參亦効

一老咽痛日晡甚以補中益氣湯六升加酒炒黃柏知母數劑而愈此憑症也

一人乳蛾腫痛飲食不入瘡色白其膿已成針之膿出即安此憑症也

一人咽喉腫痛予欲針之以泄其毒彼畏針止服藥然藥既熟已不能下矣始急針患處出毒血更以清咽消毒藥而愈

一患者其氣已絕心頭尚溫急針患處出黑血即甦如鮑符卿喬待即素有此症每患針去血即愈

大抵咽喉之症皆因火為患其害甚速須分緩急及膿成否若腫閉及壅塞者死如反掌宜用金鑰匙吹患處吐出痰涎氣得流通則蘇若吐後仍閉乃是惡血或膿

毒須急針患處否則不治前人云喉閉之火與救火同不容少待治喉之方固多惟用針有回生之功幸者不可不察

一婦咽間作痛兩月後始潰突而不斂遍身筋骨作痛諸藥不應先以草薺湯數劑而斂更以四物湯九倍用草薺黃耆二十餘劑諸症悉退此憑症也

一彌月小兒先于口內患之後延于身年餘不愈以草薺為末乳汁調服母以白湯調服月餘而愈此憑症也

一人咽間先患及于身服輕粉之劑稍愈已而復發仍服之亦稍愈後大發上腭潰蝕與鼻相通臂腿數枚其狀如桃大潰年餘不斂神思倦怠飲食少思虛症悉具投以草薺湯為主以健脾胃之劑兼服之月餘而安此憑症也

一婦患之臉鼻俱蝕筋骨作痛脚面與膝各腫一塊三月而潰膿水淋漓半載不斂治以前藥亦愈此憑症也

一人咽喉腫痛口舌生瘡先以清咽消毒散三二服更以玄參并麻湯而愈此憑症也

一人咽喉作痛午後尤甚以四物加酒炒知母黃柏桔梗治之而愈此憑症也

一人喉閉服防風通聖散腫不能嚥此症雖針乃可牙關已閉刺少商出血口即開以膽礬吹患處吐痰二塊許仍投前藥而愈嘗見此疾畏針不刺多斃此憑症也

一人喉閉腫痛寒熱脈洪數此少陰心火少吹相火二藏為病其症最惡惟刺患處出血為上彼畏針以涼隔散

二服之藥從鼻出急乃願針則牙關已緊遂刺少商二

穴以手勒出黑血口即開仍刺喉間治以前藥及

匙細吹之類退又以人參敗毒散六加芩連玄參牛蒡

子四劑而平

經曰火鬱發之出血亦發汗之一端河澗曰治喉閉之

火與救火同不容少怠嘗見喉閉不去血喉風不去痰

以致不救者多矣每治喉咽腫痛或生瘡毒以荆防敗

毒加芩連重者用防風通聖散並效

一人患此勞則愈盛以補中益氣加玄參酒炒黃柏知母而愈此憑症也

一人口舌常破如無皮狀或咽喉作痛服清咽利膈散愈

盛治以理中湯而愈此類症不應

精要曰凡癰疽失于治療致令熱毒衝心咽喉口舌生

瘡甚至生紅黑菌難于治療宜琥珀犀角膏

生犀角屑真琥珀研辰砂研扶神祛皮

酸枣仁祛殼人參 各一錢腦子彌一右為細末入乳

鉢研勻煉蜜搜為膏磁器盛貯疾作每服一彈子大濃

煎麥門冬湯化下一日連進五服或先服犀角散以解

之 生犀角屑玄參去芦升麻生黃耆赤芍藥 麥門

冬生甘草當歸酪一大黃微炒為粗末每服三錢水盞

半煎至七分去滓溫服

諸哽百二十四

諸骨哽用象牙末吹患處或取犬涎徐徐嚥下立効用苧

根搗爛丸如彈子大就將所哽物煎湯化下 又方食

橄欖用核為末含之亦効

穀麥芒在咽不出取鷄鶩涎含之立消

誤吞金銀等物多食諸般肥肉膏滑自送大便出

誤吞銅錢用炭末白湯調服 多食蜜食飴糖自從大

便出或多食葶藶或胡桃肉錢自消

誤吞針用磁石如枣核大磨令光鑽一孔用線穿含之

針自口出

傷損脉法百二十五 附破傷風

經云肝脉轉堅而長色不青當病墜若轉因血在脇下令

人嘔逆

金匱云寸口脉浮微而瀉當亡血若汗出者當身有瘡被

刀斧所傷亡血故也

脉經云金瘡出血太多脉虛細者生數實大者死 金瘡

出血脉沉小者生浮大者死斫刺出血不止者脉来大者七日死滑細者生

從高顛仆內有瘀血腹脹脉堅強者生小弱者死

破傷有瘀血在內脉堅強實則生虛小弱者死皆為脉病

不相應故也

一婦腎離瘡將愈患破傷風發熱搐搦脉浮數治以當歸

地黄湯不信乃服發散敗毒藥果甚始信而服之至數

劑而痊

脉浮數而發表今用發表而病重可見脉之浮數亦

有主陰虛者必兼症參之為穩認作脉虛由腎離也

夫破傷風症須分表裡別虛實不可一槩治之原病式

云破傷中風之由因瘡熱甚鬱結而榮衛不得宣通佛

熱因之遍身故多白痂是時瘡口閉塞氣難通泄熱其

則生風也不已則表傳于裡矣但有風熱微甚蕪化故

殊異耳

大法破傷中風風熱燥甚佛鬱在表而裡氣尚平者善伸

數欠筋脉拘急時或惡寒或筋暢而搐脉浮數而弦者

宜辛熱治風之藥開衝結滯而猶傷寒表熱佛鬱而以

麻黃湯辛熱發散者同也凡用辛熱開衝風熱結滯宜

以寒藥佐之則良免致藥雖中病而風熱轉甚也如治

傷寒發熱用麻黃桂皮加黃芩知母石膏之類是也若

世以甘草滑石葱豉寒藥發散甚妙若表不已漸傷入

裡裏又未大甚而脉在肌肉者宜以退風熱開結滯之

寒藥調之或微加治風辛熱亦得猶傷寒在半表半裡

以小柴胡和解之意也若裡熱已甚而舌強口禁項背反張驚搐惕搦涎唾涸枯胸腹滿塞而或便秘結或時汗出脉洪數而弦也然汗出者由風熱鬱甚于裡而表熱稍罷則腠理踈泄而心火熱甚故汗出也法宜除風散結寒藥下之後以退風熱開鬱滯之寒藥調之而熱退結散則風自愈矣凡治此亦宜按摩導引及以藥

斡開牙關勿令口禁使粥藥得下也  
病機云破傷風者有因卒暴損傷風襲之間傳播經絡致使寒熱更作身躄反張口禁不開甚者邪氣入截有因諸瘡不差榮衛俱虛肌肉不生瘡眼不合邪亦能外入于瘡為破傷風之疾有諸瘡不差舉世皆言者灸為上是為熟瘡而不知火熱客毒逐經傳變不可勝數微則

發熱甚則生風而搐或角弓反張口禁目斜亦有破傷不差而病此者因瘡着白痂瘡口閉塞氣難通泄故陽熱易為鬱結熱甚則生風也徐用誠云此論所因有四  
一者因瘡口入風似屬外因一者因灸逐熱似屬不內外因一者因瘡口閉塞內熱生風似屬內因也又云破傷風症古方藥論甚少豈非以此疾與中風同論故不另立條目也唯河間論與傷寒表裡中三法同治用藥甚詳其言病因有因外傷于風有因灸及內熱所作者然與中風相似也但中風之人尚可淹延歲月而破傷風者犯之多致不救蓋中風有在經在截在府之異獨入臟者最難治破傷風或始而出血過多或瘡早閉合瘀血停滯俱是血受病屬賦五臟之所主故此風所傷

始雖在表隨則必傳入裡臟故多死也此病或瘡口袒露不避風寒而有所傷或瘡口閉合密被風和而及病已十分安全而忽有此大抵皆由內氣虛而有鬱熱者得之若內氣不虛而無鬱熱者雖傷而無所害也

跌撲百二十六

一人墜馬兩脇作痛以復元活血湯二劑頓止更以小柴

胡加當歸桃仁二劑而安此憑症也

一老墜馬腹作痛以復元通氣散用童便調進二服少愈

更以四物加柴胡桃仁紅花四劑而安此憑症也

一人跌仆皮膚不破兩脇作疼發熱口乾自汗瀕先飲童

便一甌煩渴頓止隨進復元活血湯信用柴胡青皮一

劑脹痛悉愈又劑而安發脈經曰從高墜下血流于內

不分十二經絡聖人俱作風中肝血留于脇下以中風療之血者皆肝之所主惡血必歸于肝不問何經之傷必留于脇下蓋肝主血故也痛甚則必自有汗但人汗出皆為風症諸痛皆屬于肝木况敗血凝滯從其所屬入于肝也從高墜下逆其所行之血氣非肝而何故用破血行經

一人青腫作痛以蘿蔔汁調搥子末敷之以四物湯加柴

胡黃芩天花粉川山甲二劑少愈更以托裡散健脾胃藥

而愈此憑症也

杖瘡血熱作痛百二十七

胸膈脹滿宜行血老弱者宜行氣活血更飲童便酒腸痛

者宜下血血去多而煩躁者補血如不應獨參湯 瘀



肉不潰或潰而不斂宜大補氣血

一人杖瘡肉不腐乃大補之漸腐更以托裡健脾藥而愈此憑症也

一人風入杖瘡牙關緊急以玉真散一服少愈再服而安  
一官諫南巡受杖瘡血已散壞肉不潰用托裡藥稍潰膿清此血氣虛也非大劑參耆不能補彼恐腹滿予強之飲食稍思遂加大補肉潰膿稠而愈此憑症也

一嘗治被杖數人皆先散其瘡血漸用排膿托裡之藥俱愈夫叫號傷氣忍痛傷血氣血虛明矣况脾主肌肉脾氣受傷飲食必減血一水則肌肉不生故必理脾脾健肉自生非參朮歸耆之類培養脾土則肌肉何由而生又須分人虛實及有熱瘡血蓋打撲墮墮皮肉不

破肚腹作疼者必有瘀血在內宜復元活血湯三攻之

老弱者加桃仁紅花川山甲補而行之 若血去多而

或煩燥此血虛也宜獨參湯補之 有打撲墮墮稍

輕別無瘀血等症但只痛不止者惟和氣血調經脈其

痛自止更以養氣血健脾胃無有不效 亦有痛傷胃

氣作嘔或不飲食以四君子加藿香砂仁當歸治之

若有瘀血不先消散而加補劑則成實實之禍設無瘀

血妄行攻利則致虛虛之禍矣

一人因杖臀膝俱潰膿瘡未出時發昏憤此膿毒內作也

急開之昏憤愈盛此虛也投八珍湯四一服少可數服

死肉自潰頰取之用猪蹄湯洗淨以神效當歸膏塗貼

再服十全大補湯兩月而愈若更投破血之劑危矣此

也憑症

大抵杖瘡皆瘀血為患宜速治療淺者砭之深者刺之  
更以活血流氣藥治之內潰者開之有腐肉取之以壯  
胃生血藥托之可保無危 有傷筋骨而作痛者以

沒藥降聖丹治之 若牙關緊急或腰背反張者以玉  
真散治之並効

杖瘡熱血作痛 涼血去瘀血為先須下鷄鳴散之類

黃栢 生地黄 紫金皮皆要藥 生地黄 黃栢為

末童便調付或加韭汁不破者以韭菜葱頭舂碎炒熱

貼冷則易

膏藥 紫金皮 生地黄 黃栢 乳香 沒藥

大黃之類 又方 大黃 黃栢為末生地黄黃汁

付乾則易 又方 野苧根嫩者不拘多少洗淨同搗

搗付傷重多用鹽効

嘗見覆車壓傷者七人仆地呻吟一人未甦俱 令以熱

童便灌之皆得無事又曾被重車研傷臂悶良久復甦

胸滿如築氣息不通隨飲熱童便一掬胸寬氣利惟小

腹作痛與復元活血湯三劑便血數升許痛腫悉退

更服養血氣藥而痊

大凡損傷不問壯弱有無瘀血俱宜熱童便以酒佐之

推陳致新其功甚大 若脇脹或作痛或發熱煩躁

口乾喜冷飲熱童便一甌勝服他藥他藥雖亦取効但

有煎瘀血不能盡識反致誤人惟童便不動臟腑不傷

血氣聞操軍或墜馬傷者服之亦佳又凡腫痛或傷損者以葱搗

爛熱卷之元妙本草云葱大傷損

一人墜馬傷頭并臂取葱搗爛炒熱卷患處以熱手熨之眼沒藥降聖丹晒而愈

一人誤傷去小指一節牙關緊急腰背反張人事不知用玉真散青州白丸子各一服未應此亦藥力不能及也急用蒜搗爛裹患指以艾灸之良久竟痛仍以白丸子一服及托裡散數服而愈

夫四肢受惠風邪所襲過絕經絡者古人所制淋瀝貼煖鑣刺等法正為通經絡導引氣血也

### 火瘡百二十八

一人火瘡驟用涼藥敷貼更加腹脹不食予以人參敗毒散加木通山梔外用栢葉炒為末麻油調搽漸愈

嘗用煮大汁上浮脂調銀硃更効若用涼藥逼火毒入內多致不救湯火瘡以淋了第二次灰查付患處

又方以臘月猪膽塗黃柏炙乾為末付熱油湯火傷皮爛肉大痛冷霜散牡蠣煨寒水石生

明朴硝 青黛各一錢輕粉一錢 桐油二錢 水二錢 以桃柳

枝不住手攙成膏再以少水溶塗之外用狗兒肚底毛細剪摻上新水或油調濕則乾貼痛立止

### 漆瘡百二十九

一人漆瘡作嘔由中氣弱漆毒侵之以六君子加砂仁藿香酒炒芍藥彼不為然服連翹消毒散嘔果盛復邀治以前藥外以香油調鐵綉末塗之而愈

外科理例卷之七下

天泡瘡百三十一

脉浮發熱或拘急者發散表邪

脉沉發熱便秘者解表攻裡

發熱小便赤澀者分利消毒

一小兒患此喉痛發熱脉浮數挑去毒水以黃柏滑石末

敷之更飲荆防敗毒散七二劑而愈此憑症也

一人喉痛發熱服祛風清熱藥愈熾其脉沉實乃邪在內

也用防風通聖散十四一劑頓退又荆防敗毒散七二劑

而安此憑症脉也

新安初門朴里汪機省之編輯  
同邑石壑門生陳楠惟宜較正

此症須為風熱當審表裡治無悞矣

一見焮赤發熱以黃柏滑石末敷之飲大連翹湯九二劑

少愈更以金銀花散厚二劑而痊此憑症也

一見十餘歲背側患水泡數顆發熱脉數此肺胃風熱所

致名曰天泡瘡以荆防敗毒散七加芩連外去毒水以

金黃散六敷之又四劑而愈此憑症也

一有腹患此延及腰背焮痛飲冷脉數按之愈大乃表裡

俱實也用防風通聖散四一劑更敷前藥勢減大半再

以荆防敗毒散七二劑而愈

楊梅瘡百三十一有從咽喉起者見咽喉

濕勝者宜先導濕 表實者宜先解表

裡實者宜先疎裡 表裡若俱實解表攻裡

表虛者補氣 裡虛者補血 表裡俱虛者補氣血

人遍身背患左手脉數以荆防敗毒散七表症乃退

仙方活命飲立六劑瘡漸愈蕪草薛湯 月餘而痊

一婦焮痛發熱便秘作渴脉沉實以內疎黃連湯三二劑

裡症已退以龍膽泄肝湯六數劑瘡毒頓退間服草解

湯 月餘而痊此憑症脉症也

一人下部生痔諸藥不應延及遍身突腫狀如翻花筋攣

骨痛至夜尤甚此肝腎二經濕熱所致先以導水丸 進

五服次以龍膽瀉肝湯五數劑再與除濕健脾之藥外

貼神異膏吸其膿膿絲灸拔其毒而愈此憑症也

若表實者以荆防敗毒散 裏實者以內疎黃連湯

表裡俱實者防風通聖散四氣虛者四君子 血虛者

四物仍加蕪症之藥並愈 若服輕粉等藥反收毒于  
內以致迭發 槩服防風通聖則氣血愈虛因而不治  
者多矣

一人患之發寒熱作渴便秘兩手脈實用防風通聖散十四  
而退以荆防風敗毒散七 蕪龍膽瀉肝湯五六而痊此憑症也

一人患之腫痛先以龍膽瀉肝湯五六導水丸各四劑少愈  
再以小柴胡加黃柏蒼朮五十餘劑而平此憑症也

一人玉莖腫潰小便赤色肝脈弦數以小柴胡加木通青  
皮龍膽草四劑又龍膽瀉肝湯五六數劑而痊此憑脈症也

一童玉莖患之延及小腹數枚作痛發熱以小柴胡湯五  
吞薑會之更貼神異膏月餘而痊此憑症也

一人愈後臃腫一塊久而潰爛不斂以蒜搗爛敷患處以

艾灸其上更貼神異膏及服黑丸子并托裡藥兩月

愈此憑症也

一婦燃輕粉藥于被中薰之致通身皮塌膿水淋漓不能  
起居以滑石黃柏為末綠豈粉等分鋪席上令可卧更

以金銀花散月餘而痊此憑症也

一人皆愈但背腫一塊甚硬肉色不變年餘方潰出水三  
載不愈氣血俱虛飲食少思以六君子湯三加當歸麝

香三十餘劑更飲葶藶湯兩月餘而痊此憑症也

一人患之勢熾蕪脾胃氣血皆虛亦眼前藥而差  
一婦患之皆愈惟兩腿兩膝各爛一塊如掌蕪筋攣骨痛

三載不愈諸藥不應日晡熱甚飲食少思以葶藶湯蕪  
道遙散倍用白木茯苓數劑熱止食進貼神異膏更服

八珍湯四加牛膝杜仲木瓜三十餘劑而痊此憑症也

又捷法治楊梅瘡不問新舊並效不過旬日每日用膽礬

白礬末并水銀各三錢五分入香油津吐谷少許和勻

坐無風處取藥少許塗兩脚心以兩手心對兩脚心擦

磨良久再塗藥少許仍前再擦用藥盡即卧汗出或大

便去垢口出穢涎為驗連擦三日煎通聖散四澡洗更

服內疎黃連湯敗毒散愈後服單薺湯有熱加芩連氣

虛參耆血虛四物之類

一人楊梅瘡後兩腿一臂各潰二寸許一穴膿水淋漓少

食不睡久而不愈以八珍湯加茯神酸棗仁服每日以

蒜搗爛塗患處良久隨貼膏藥數日少可却用豆豉

灸更服十全大補湯三而愈此憑症也

凡有腫硬或作痛亦用蒜灸及敷中和膏內服補

並效

斑疹百三十一附小兒丹毒

脉浮者消風為主

脉浮數者祛風清熱

脉數按之沉實者解表攻裏

一婦患斑作癢脉浮以消風散七四劑而愈此憑症也

一婦患斑作癢脉浮數以人參敗毒散六二劑少愈更以

消風散七四劑而安此憑症也

一人患斑色赤紫焮痛發熱喜冷脉沉實以防風通聖散

一劑頓退又以荆防敗毒散七加芩連四劑而愈

一老患疹色微赤作癢發熱以人參敗毒散六二劑少愈

以補中益氣湯加黃芩山梔而愈 此憑症也

一婦患斑癢痛大便秘脉沉實以四物加芩連大黃槐花而愈 此憑症也

一兒患斑作痛發熱煩渴欲服清涼飲下之脉不實舉按不數此邪在經絡不可下用解毒防風湯二劑而安此症小兒多患之須審在表在裏及邪之微甚而治之前人謂首尾俱不可下者何也曰首不可下者為班未見于表下則邪氣不得伸越又脉症有表而無裏故禁首不可下也尾不可下者班毒已顯于外內無根蒂大便不實無一切裡症下之則班氣逆陷故不可下也

一人作癢發熱以消毒犀角飲 一劑作吐瀉此邪上下

俱出也毒自解少頃吐瀉俱止其疹果消吐瀉後時七疹比小兒和平脉也邪已尽矣不須治果愈

紫古云班疹為症各異發焮腫于外者少陽屬三焦相

火也謂之班 小紅醫行于皮膚之中不出者屬少陰

君火也謂之疹 凡顯班症若有吐瀉者甚勿亂治而多

吉謂邪上下出也班疹並出小兒難禁是以別生他症

也首尾不可下大抵安裏之藥多發表之藥少 秘則微

疎之令邪氣不壅併而作次以出使兒易禁也身温煖

者順身凉者逆

一子痘毒及時針刺毒不內侵數日而愈

大抵古人制法淺宜砭深宜刺使瘀血去于毒聚之

始則易消况小兒氣血又弱膿成而不針砭鮮不斃



一兒臂患痘毒作炒按之復起此膿脹痛而然遂刺之以托裡而愈

痘後肢節作腫而色不赤宜金銀花散更以生黃豆末熱水調付乾以水潤自消若傳六七日膿已成急刺之

宜服托裡藥

一兒痘瘡已愈腿上數枚變疔蝕陷用雄黃銅綠等分為末敷兼金銀花散而愈若患遍身用出蛾綿實填實白礬末

燒候汁乾取出為末放地上碗蓋良久出火毒付效

一兒痘後搔癢搔破成瘡膿水淋漓用經霜陳茅草為末付之及鋪席上煎服金銀花散厚而愈若用菘豈活石

末亦可但不及茅草功速

一兒周歲患丹毒延及遍身如血染用磁鋒擊刺遍身出

黑血以神功散六塗之服大連翹飲而愈

又兒未滿月陰囊患此為前治之而愈

又兒不欲刺毒入腹而死 河澗云丹從四肢延腹者

不治予嘗刺毒未入腹者無不効

一兒腿患丹如霞遊走不定先以蒜油塗患處疔出惡

血更以金銀花散一劑而安 此憑症也

一兒遍身皆赤疔之投解毒藥即愈 此憑症也

一人患丹毒焮痛便秘脉數而實服防風通聖散不應令

疔患處去惡血仍用前藥即愈 此憑脉症也

一兒患之外勢須輕內則大便秘不利此在藏服大連翹

飲敷神功散而差 此憑症也

一兒遍身亦赤不從疔治以致毒氣入腹而死此症乃

惡毒熱血蘊蓄于命門遇相火而合起也如霞片者須  
砭去惡血為善如腫起赤色遊走不定者宜先以生麻  
油塗患處砭之以洩其毒凡從四肢起入腹者不治須  
丹有數種治者有數法無如砭之為善常見患稍重者  
不用砭法俱不救也

腸癰百二十三

小腹硬痛脈遲緊者瘀血也宜下之  
小腹軟痛脈洪數者膿成也宜托之

一產婦小腹痛小便不利以薏苡仁湯二劑痛止更以四  
物加桃仁紅花下瘀血并許而愈

大抵此症皆因榮衛不調或瘀滯所致若脈洪數已  
有膿脈但數微有膿脈遲緊乃瘀血下之則愈若患

者腹脹大轉側作水聲或膿從臍出或從大便出  
磬丸太乙膏及托裡藥

一婦小腹腫痛小便如淋尺脈亢而遲以神効瓜萎散二  
劑少愈更以薏苡仁湯二劑而愈此憑脈症也

一人膿已成用雲母膏一服下膿并許更以排膿托裡藥  
而愈後因不守禁忌以致不救此憑症也

一人裡急後重時或下膿脹痛脈滑數以排膿散及蠟磬  
丸而愈此憑症脈也

一婦小腹痛有塊脈亢而瀉以四物湯加玄胡紅花桃仁  
牛膝木香而愈此憑脈也

一婦小腹隱痛大便秘澀腹脹轉側作水聲脈洪數以梅  
仁湯一劑諸症悉退以薏苡仁湯二劑而差此憑脈症也

一婦腹脹痛皮毛錯縱小便不利脉數滑以大乙膏一服膿下升許脹痛頓退以神効瓜蒌散二劑而全退更以蠟礬丸及托裡藥十餘劑而安此憑脉症也

一婦因經水多服瀝藥止之致腹作痛以失笑散二服而瘳此憑症也

一人小腹痛而堅硬小便數汗時出脉遲緊以大黃湯一劑下瘀血合許以薏苡仁湯四劑而安此憑脉也

一婦小腹惡露不盡小腹痛必意苡仁湯五下瘀血而痊此憑症也九瘀血停瀝宜急治之緩則腐為膿最難治療

若流滿即骨則患骨疽失治多為敗症腸癰身甲錯腹皮急按之濡如腫狀腹無聚積身無熱此

以積冷所致故金匱有用附子温之若小腹腫痞按之

痛如淋小便自調發熱身無汗復惡寒脉遲緊膿未

可下之當有血洪數者膿已成不可下此內結熱所成

故金匱有用大黃利之甚者腹脹大轉側聞水声或遠

脐生瘡膿從瘡出者有出脐中者不治必死惟大便下

膿血者自愈一婦病少腹痞堅小便或澁或時汗出或復惡寒此腸癰

也脉滑而數膿為已成設脉遲緊即為瘀血雖血下則愈此憑症脉也

內經載有息積病此得之二三年遍身微腫續乃大腸與脐連日出膿遂至不救此亦腸癰之類腸癰作濕熱積治入風難治千金謂妄治必殺人要略以薏苡仁附子敗毒散千金以大黃牡丹湯三因以薏

欬仁湯千金又有灸法曲兩肘頭正肘銳骨灸百壯下膿血而安

一人傷寒踰月既下內熱未已脇及小腹偏左腫滿肉色不變俚醫為風矢所中以膏摩之月餘毒循宗筋流入辜丸赤腫如瓠翁診關尺滑數且乳曰數脉不時見當生惡瘡關乳為腸癰用保生膏衣以乳香用硝黃作湯下之膿如糜者五升許明日再圍餘膿而差此憑脉也

一婦腸中痛大便自小便出脰之乳脉見于關此腸癰也以雲母膏作百十九煎黃耆湯吞之利膿數升而安

一女腹痛百方不應脉滑數時作熱腹微急曰痛病脉沉細今滑數此腸癰也以雲母膏一两丸如梧桐子以牛皮膠熔入酒中并水吞之餉時服尽下膿血愈也此憑脉也

一人年踰五十腹內隱痛小便如林皮膚青錯縱而

此腸癰也滑數膿成以廣東牛皮膠酒熔化送太乙膏

膿下升許更以排膿托裡藥及蠟礬丸而愈此憑脉也

一婦產後小腹作痛諸藥不應其脉滑數此瘀血內潰為

膿也服瓜子仁湯五痛止更以太乙膏而愈此憑脉也

今人產後多有此病縱非癰毒用之更效 有人臍出

膿水久而不愈亦以前膏及蠟礬丸而痊

一兒年十二患腹脹臍突頗銳醫謂腸癰舍針臍無他法

翁曰臍神闕也針刺當禁况癰舍于內惟當以湯丸攻

之進透膿散 一劑膿自潰繼以十奇湯四下善應膏

丸 漸差 此憑症也

肺癰肺痿百三十四

喘嗽氣急胸滿者表散之

欬嗽發熱者和解之

欬而胸膈隱痛唾痰醒臭者宜排膿

喘急恍惚痰盛者宜平肺

欬膿脉短者宜補之

肺痿寸口脉數而虛肺痿之候久嗽不已汗出過度重亡

津液便如爛瓜下如豕脂小便數而不渴渴者自愈欲飲

者差此由多唾涎沫而無膿

肺疽寸口脉數而實肺疽之候口乾喘滿咽燥而渴甚者

四肢微腫欬唾膿血或腥臭濁味胸中隱隱微痛候始萌

則可救膿成則多死脉若微緊而數者未有膿緊甚而數

者已有膿嘔膿不止者難治久久如粳米粥者亦難治

膿自止者自愈其脉短而濇者自痊浮大者難治面色

白反赤者此火劫金皆不可治

內疽皆因飲食之火七情之火相鬱而發飲食者陰受

之七情者臟腑受之宜其發在腔子而向內非干腸胃

盲膜也

肺癰先須發表千金曰欬唾膿血其脉數實或口中咳胸

中隱痛脉反滑數者為肺癰脉緊數為膿未成緊去但數

為膿已成

要畧先以小青龍湯一貼以解表之風寒然後以葶藶

大棗瀉肺湯桔梗湯葶藶湯隨症用之以取膿此治腫瘍

例也終以黃昏湯以補裡之脾氣此治潰瘍例也肺癰已破入風者不治或用太乙膏丸服以搜風湯吐之

吐膿血如肺癰狀口臭他方不應者宜消風散入男子髮灰清米飲下兩服可除

一人喘欬脉緊數以小青龍湯一劑表症已解更以葶

藶大棗湯喘止乃以桔梗湯愈此憑脉症也

一人欬嗽氣急胸膈脹滿睡卧不安以葶藶散二服少愈

更桔梗湯差此憑症也

一人欬嗽項強氣促脉浮而緊以參蘇飲二劑少愈更以

桔梗湯四劑而安此憑脉症也

一人欬嗽脇脹滿咽乾口燥欬喘腥臭以桔梗湯四劑而

啾膿以排膿散服而止乃以補臥托裡之劑而瘳此憑症也

一人咳而膿不止脉不退諸藥不應甚危用柘黃丸一服

少愈再服頓退數服而痊潰者尤效此憑症也

一婦嗜膿五心煩熱口乾胸悶以四順散三劑少止以

排膿散數服而安此憑症也

一人面白神勞欬而胸膈隱痛其脉滑數予以為肺癰欲

用桔梗湯不信乃服表藥致欬嗽愈甚瘳痰腥臭始悟

乃眼前湯四劑欬嗽少止又以四順散四劑而脉靜更

以托裡藥數劑而愈此憑脉症也

大抵勞傷血氣則腠理不密風邪乘肺風熱相搏蘊結

不散必致喘嗽若悟汗下過度則津液重亡遂成斯症

若寸脉數而虛者為肺痿數而實者為肺疽脉微緊而

數者未有膿緊甚而數者已有膿唾膿自止者脉短而

面白者易治膿不止脉洪大而面色赤者不治使其治

早可救膿成則無及矣 金匱方論熱在上焦者因欬

為肺痿得之或從汗出或從嘔吐或從渴消小便不利  
或從便難又被下藥快利重亡津液故寸口脉數其人  
燥咳胸中隱上而痛脉反滑數此為肺癰咳唾膿血其  
脉數虛者為肺痿實者為肺癰

一童氣稟不足患肺癰唾膿腥臭皮毛枯槁脉浮按之清  
更無力治以鍾乳粉湯此憑脉症也

一弱人咳膿日晡發熱夜間盜汗脉浮數而緊用人參五  
味湯數劑頓退以紫苑茸湯月餘而痊此憑症也

一僕年踰三十嗽久不愈氣壅不利睡卧膿血甚虛其主  
已棄矣予以寧肺散一服少愈又服而止大半乃以寧  
肺湯數劑而痊所謂有是病必用是藥若泥前散性滋  
而不利何以得愈此憑症也

一入患肺痿咳嗽喘急吐痰腥臭胸滿咽乾脉洪數用人  
參平肺散六劑及飲童便諸症悉退更以紫苑茸湯而  
愈此憑脉症也

童便確專治火虛常治瘡瘍腫焮疼痛發熱作渴及肺痿  
肺癰發熱口渴者尤効

一婦患肺痿咳嗽吐痰腥臭日晡發熱脉數無力治以地  
骨皮散熱止更用人參養肺湯月餘而安此憑脉症也

一人咳嗽喘急發熱煩燥面赤咽痛脉洪大用黃連解毒  
湯八二劑少退更以梔子湯四劑而安此憑脉症也

一人春間咳嗽唾膿腥穢胸滿氣促皮膚不澤項強脉數  
此肺疽也蓋肺系在項肺傷則系傷故牽引不能轉側  
肺主皮毛為氣之本肺傷不能攝氣故脇脹氣促而皮

膚縱東垣云肺瘡脉微緊而數者未成膿緊甚而數者已有膿其脉緊數膿為已成以參耆歸芍白芷貝母知母桔梗防風甘草麥門瓜蒌仁蕪以蠟礬丸及太乙膏膿尽脉瀦而愈至冬脉復數經曰飲食勞倦傷脾脾傷不能生肺形寒飲冷傷肺肺傷不能主腎腎水不足則心火熾盛故脉洪數經曰冬見心而莫治果歿火旺之月

一人年踰三十患咳嗽項強氣促右寸脉數此肺疽也東垣云風傷皮毛熱傷血脉風熱相搏血氣稽留于肺變成瘡疽今脉滑疽膿已成以排膿托裏之藥及蟾礬丸脉漸瀦而愈此憑脉症也

一人病胃膈壅滿昏不知入予以杏仁薏苡之劑灌之立

甦繼以升麻黃耆桔梗消其膿踰月而愈予所以知其病者以陽明脉浮滑陰脉不足也浮為風滑為血聚始由風傷肺故結聚客于肺陰脉不足過于宣逐也諸氣本于肺肺氣治則出入順而苑陳除故行其肺氣而病自已此憑脉也

一人腎氣素弱咳嗽痰涎小便赤色服腎氣丸而愈此憑症也  
一瘧婦咳而無痰咽痛日晡發熱脉浮數先以甘桔湯少愈後以地骨皮散而熱退更以腎氣丸及八珍湯加柴胡地骨皮而愈此憑脉症也

丹溪云咳而無痰者乃火鬱之症及痰鬱火邪在中用苦梗開之下用補陰降火之劑不已則成勞嗽此症不得志者多有之又原病式瘦人腠理踈通而多汗血



液衰少而為燥故為勞嗽之症也

一人年前病肺癰後又患咳嗽頭眩嘔沫飲食少思小便頻數服解散化痰藥不應診之脾肺二脉虛甚予謂眩暈嘔涎屬脾氣不能上升小便無度乃肺氣不得下制內未成癰宜投以加味理中湯 四劑諸症已退大半更用鍾乳粉湯而安此憑脉也

河間曰肺痿屬熱如咳久肺痿声啞声嘶咯血此屬陰虛熱甚然也本論治肺痿吐涎沫而不咳者其人不渴必遺尿小便數以上虛不能制下故也此為肺中冷必眩多痰唾用炙甘草乾姜此屬寒也肺痿涎唾多心中濕液濕液者用炙甘草湯此補虛勞也與補陰大熱不同是皆宜分治故肺痿又有寒熱之異

一人因勞咳嗽不止項強而痛脉微緊而數此肺癰也 未成膿欲用托裏益氣藥彼不信仍以發散藥以致血氣愈虛吐膿不止竟致不救

經云肺內主氣外司皮毛若肺氣虛則腠理不密皮毛不澤肺受傷則皮毛錯縱故患肺癰肺痿腸癰者致皮毛如此以其氣不能榮養而然也亦有服表藥見邪不解仍復發表殊不知邪不解者非邪不能解多因腠理不密而邪復入也專用發表則腠理愈虛邪愈易入反為敗症矣若診其脉邪在表者止當和解而實腠理乘虛復入者亦當和解兼實腠理故用托裏益氣之藥若小便赤澀為肺熱所傳短少為肺氣虛蓋肺為母腎為子母虛不能生子故也亦有小便頻數者亦為肺虛不

能約制耳

一人年踰四十喘咳脇痛胸滿氣促右寸脉大此風熱蘊于肺也尚未成瘡屬有餘之症欲用瀉白散五彼謂肺氣素怯自服補藥喘嗽愈盛兩月後復請視汗出如雨喘而不休此肺氣已絕安用治果歿

夫肺氣充實邪何從襲邪氣既入則宜散之故用瀉白散乃瀉肺之邪氣邪氣既去真氣自實  
一有患此吐膿面赤脉大予謂肺病脉宜瀉面宜白今面赤脉大火尅金不可治果歿

胃脘癰百二十五

胃脘癰當候胃脉人迎者胃脉也其脉沉細氣逆則甚甚則熱聚胃口而為癰若脉洪數膿已成遲緊雖膿未就已

有瘀血宜急治之否則邪毒內攻腐爛腸胃不可救也

射干湯 射干去毛 梔子 赤茯苓 升麻各一兩

赤芍兩半 白朮半兩 右剉水煎入地黄汁一合蜜半合

溫服 芍藥甘草湯 升麻湯隨選用之

腦疳百三十六

一兒頭患白瘡皮光且急諸藥不應名曰腦疳瘡乃胎毒挾風熱而成服龍膽丸 及吹盧會末于鼻內蒸搽解毒散而愈若重者髮結如穗腦熱如火遍身汗出顛腫胞高尤當服此藥

肺疳百三十七

一兒欬嗽喘逆壯熱惡寒皮膚如粟鼻癢流涕咽喉不利頤瀾吐紅氣脹毛焦作利名曰肺疳以地黄清肺飲及

化慝丸治之而愈

蛔疳百三十八

一兒眉欹多啼嘔吐清沫腹痛肚脹筋青唇口紫黑肚門作疥名曰蛔疳服大盧會丸而愈

脊疳百三十九

有虫蝕脊脊食熱黃瘦煩溫下痢拍背如鼓鳴脊骨如鋸齒十指生瘡常啮此脊疳也亦宜大盧會丸治之

腎疳百四十

一兒十歲患瘡疥久不愈肌瘦寒熱作時腦熱足冷滑瀉肚痛齟爛口臭乾渴瓜黑面鰲此腎疳也眼六味地黃丸更搽解毒散而愈

鬼擊百四十一

人被鬼擊身有青痕作痛以金銀花煎湯飲之即愈

歷節風百四十二

一婦患癱寒熱熯痛服人參敗毒散翌日遍身作痛不能轉側彼云素有此疾每發痛至月餘自止服藥不應婦人休虛因受風邪之氣隨血而行淫溢皮膚卒然掣痛遊走無常名曰歷節風治以四生丸而愈此憑脉也

一宜先兩膝後至遍身骨節皆痛脉遲緩用羌活勝濕湯及荆防敗毒散七加滲濕藥不應次以附子八物湯此一劑悉退再服而愈此憑脉也

若脉洪數而痛者宜人參敗毒散六有毒自手足起至遍身作痛或頸項結核如貫珠此風濕流氣之症宜加減小續命及獨活寄生湯

一人年踰五十筋骨痿軟卧床五年遍身瘙癢午後尤甚  
治以生血藥癢漸愈痿少可更以加味四斤丸治之調  
理謹守年餘而痊此憑症也

或曰熱淫于內藥用溫補何也蓋因血衰弱不能養筋  
緩不能自持陽躁熱淫于內宜養陰滋陰實則水升  
火降矣

瘡疥百四十三

瘙癢或膿水浸淫者消風除濕

癢痛無膿者祛風潤燥

瘙癢或疼午後尤甚者益陰降火

燥痛大便秘澀者滋陰瀉火

搔起白屑耳作蟬聲者祛風清熱

一婦患此作癢膿水不止脈浮無力以消風散七四劑

愈再四生丸八月餘而平此憑症脈也

一人癢少痛多無膿水以芩連荆防山柅薄荷芍藥歸身

治之而愈此憑症也

一婦作癢午後尤甚以當歸飲子數劑少愈更以人參荆

芥散數劑而安此憑脈症也

一人久而不愈搔起白屑耳作蟬聲以四生散數服癢止

更以當歸飲子數劑而痊此憑症也

一人下体居多燥痛日晡尤甚腿腕筋紫而脹就于紫處

刺去瘀血以四物加芩連四劑而安在上体若臂腕筋

紫脹亦宜刺去其血以前湯加柴胡黃芩即愈此憑症也

一人搔癢成瘡日晡痛甚以四物加芩連荆防數劑而止

更以四物加疾藜何首烏黃耆二十劑而愈此憑症也  
一人頭目昏眩皮膚瘙癢搔破成瘡以八風散治之而愈  
一人患疔疥多在兩足午後痛甚腿腕筋紫而脹脉洪大  
此血熱也于紫處砭去毒血更以四物加芩連柴胡地  
骨皮而愈此憑脉症也 如手臂有瘡臂腕筋紫亦宜  
砭之 老弱人患此作痛須補中益氣湯加涼血藥  
一兒周歲先頭患瘡疥漸至遍身久而不愈用四物湯九  
加防風黃芩升麻外搽毒藥散月餘而愈此憑症也  
一小兒瘡毒不愈或愈而復發皆因母食炙煇辛辣或有  
熱宜元治毋熱若小兒不能服藥者就于母藥中加漏  
蘆煎服兒瘡亦愈  
一兒頭面生瘡數枚作疥瘡痂積累名曰粘瘡以枯礬黃

丹等分麻油調搽更服敗毒散而愈此憑症也  
一人腿生濕瘡數年不愈尺脉輕診似大重形无方此腎  
虛風邪襲之而然名曰腎藏風瘡以四生散 治之彼  
不信自服芩連等藥遂致氣血日弱膿水愈多形症愈  
憊迨二年復請予治仍用前藥而愈此憑症脉也  
夫肢體有上下臟腑有虛實世人但知苦寒之藥能消  
瘡毒不知腎藏風因腎不足所致遂以疾藜為主黃耆  
為臣白附子独活為佐使再若服敗毒等藥則愈耗元  
氣促之死矣  
一人焮痛發熱脉浮數以人參敗毒散 四劑少愈更以  
當歸飲子數劑而愈此憑脉症也  
一人遍身作癢搔破成瘡出水脉浮數此手足陽明經風

熱所致以人參敗毒對四物湯 加芩連外以松香一兩枯礬五錢輕粉三錢為末麻油調敷月餘而愈此憑脈  
一兒頭面胸腹患水瘡數枚潰而成瘡此風邪乘于皮膚也名曰瘰癧飲荆防敗毒散 更以牛糞燒存性為末傳之而愈此憑症也

瘰癧為患最毒形如粟許大者如粟患无常處多在手指潰而出血用南星半夏白芷末傳之重者見骨或狂言煩悶

一兒鼻下生瘡不時揉擦延及兩耳諸藥不効服芎藭丸搽松香菘菹末而愈

一人濕熱下注兩腿生瘡以人參敗毒散加蒼朮黃柏服之外貼金黃散此憑症也

一人喉痛寒熱便秘脈數有力以防風通聖散二劑少愈更荆防敗毒散 加黃芩山枝四劑而愈此憑症也

有患此但脈沉實以前藥加大黃漸愈再服人參敗毒散而平此憑脈也

一儂患瘡疥自用雄黃艾葉等藥燃于被中熏之翌日遍身焮腫皮破水出飲食不入予投以解毒不應而死又有患此久而不愈以船板灰存性一兩輕粉三錢為末麻油調貼更以知母黃柏防已龙胆苁蓉歸芍蒼朮服之而愈

大凡下部生瘡雖屬濕熱未有不因脾腎虛而得之一人兩腿生瘡每服敗毒散則飲食无味反增腫脹此脾虛濕熱下注也以六君子加蒼朮升麻酒炒為藥服之

以黃蠟麻油各一兩輕粉三錢為膏貼之而愈此憑症

兩腿生瘡作痛或遍身作痛用當歸拈痛湯甚效

一人年踰五十兩腿生瘡日久不愈飲食失節或勞苦或

服滲利消毒之劑愈盛脾脉大无力此脾虛兼濕熱也

用補中益氣湯數劑少愈更六君子加蒼朮升麻神曲

治之而愈此憑症也

大凡下部生瘡焮痛或發寒熱或脚氣腫痛以人參敗

毒散加栝榔紫蘇蒼朮黃柏並効久不愈以四物湯九

治之愈後以補腎丸補之庶不再發

臙瘡方 乳香 沒藥 水銀 當歸各半 川芎 貝母

黃丹鎔半 真麻油五兩 除黃丹水銀將餘藥同香

油熬黑色去渣下黃丹水銀又煎黑色桃柳枝攪成膏

油紙攤貼

又方 龙骨生用 血竭 赤石脂各一 頭髮如指

黃蠟 白膠香酪一 香油不拘多少煎髮三五沸去髮

入蠟白膠再以龙骨血竭石脂攪勻安水盆中候冷磁

器盛每用捻作薄片貼瘡口外貼竹箬三日後番過再

貼仍服活血藥

又方 用砂糖水煎冬青葉三五沸撈起石壓平貼瘡日

換二次 又方頭垢燒灰和枣肉搗膏先以葱椒葉煎

湯洗淨用輕粉搽上却以前膏傘紙攤貼之

又方 地骨皮兩 甘草節半兩入香油熬熟去渣入黃丹

一兩半 白蠟半兩緊火熬黑提起白紙攤貼次用醋煎

冬青葉攤藥貼之

凍瘡 用煎熟桐油調蜜陀僧末付

牛皮癬 用牛膽調燒酒付之

諸瘡痛不可忍者用苦寒藥 黃連黃芩詳上下及引經

藥則可 又云諸瘡以黃連當歸為君連翹甘草黃芩

為佐 在下者加黃柏

若稟受壯盛宜四物湯九加大承氣下之

若性急黑瘦血熱之人瘡痛宜四物加芩連大力子甘草

若肥胖人瘡痛乃濕熱也宜羌活防風荆芥白芷蒼木連

翹取其風能勝濕也 在上者多通聖散 在下多瀕用下

敷藥 膿窠治熱燥濕為主 無名異 松皮炭亦主膿

乾疥開鬱為主吳茱萸 腫多者加白芷開鬱乾藥

血多者加大黃黃連猪脂調付

濕多者油調付 疥多加枯礬 痛多亦白芷方解石

定瘰殺虫用蛇床

虫瘡如癬狀退熱殺虫為主用蕪荑黑狗脊白礬雄黃硫

黃水銀章腦松香 虫多加藜芦斑蝥或錫灰楨榔

紅色加黃丹 青色加青黛 頭上瘡加黃連万解石

陰囊瘡加茱萸 脚腫出血分濕熱用藥

膿疱瘡 治熱為主 黃連 黃芩 大黃 各三錢

蛇床 寒水石 酪三 黃丹 五 白礬 錢 無名異 少許沙

白芷 輕粉 木香 砂 許 痛 為末油調付

沙瘡 蕪荑 寒水石 錢二 剪草 吳茱萸 黃柏 枯礬 錢 蒼木 厚朴 雄黃 錢五 輕粉 十 點 右為末油



調付 又方 蕪荑 枯礬 軟石膏 大黃 章腦  
右為末先洗去瘡痂油調付  
上散

雄黃 硫黃 各半 寒水石 白膠香 黑狗脊

蛇床 各一 黃連 枯礬 各五 吳茱萸 各三 斑蝥 各十

翅足 右除硫黃雄黃寒水石另研為粉外餘皆研極

細末次以班蝥同餘藥研勻先洗瘡令湯透去痂用臘

猪油手心中擦熱鼻中嗅二三次却擦瘡上一上即愈

如痛甚腫滿高處加寒水石一倍 如不苦疥只加狗

脊 微疥只加蛇床 有虫加椎黃 如喜火灸湯炮

加硫黃 只嗅不已亦可愈也 疥瘡 春天發者開鬱為主 吳茱萸 白礬 各二錢

章腦 五分 輕粉 十盞 寒水石 半 斑蝥 床 三 錢 黃 打

大黃 硫黃 各一 棋柳 个 為末 油調 莫 抓 破 付

小兒頭瘡 川芎 片芩 酒炒 白芍 陳皮 各半 酒 歸

酒 白木 各兩 天麻 酒 蒼木 蒼耳 各半 酒 栢 酒 粉 草 各四

防風 錢 為末 水盪 起 煎 服 日 四 五 次 服 後 臍 疔 時

又方 臘猪油 料 雄黃 水銀 等分 為末 洗淨 瘡 付 上

小兒癩頭 并身癩 松皮 白膠香 枯礬 大黃

黃栢 為末 熟油 調 付 耳後月蝕瘡 黃連 枯礬 為末 付

小兒瘡 牙皂 去皮 胡椒 少 枯礬 輕粉 樟腦

為末 相 燭 油 調 搽 七 日 如 櫻 桃 膿 窠 乃 去 椒

小兒禿頭 通聖散 酒 制 取 大黃 另 用 酒 炒 入 研 為 末 再

仍通用酒拌焙乾每服一錢水煎頻服用白炭燒紅淬  
長流水令熱洗之外用胡荽子伏龙肝梁上塵黃連白  
礬為末油調服

又方 松樹厚皮燒炭二兩黃丹水飛寒水石細研枯礬  
黃連 大黃略半白膠香煨飛石 輕粉四或

右為末先洗去瘡痂熬熟油調付

癰瘡 用防風通聖散去硝黃加浮萍皂角刺

又方 浮萍一兩蒼耳 蒼木略二苦參半黃芩半兩

香附半錢 為末酒糊丸

敷藥 先用洗藥後上敷藥 盧會 大黃 輕粉  
雄黃 蛇床 栝榔 槿樹皮 右為末先刮癬用米  
醋調塗 又方 盧會三盛巴豆去殼 白蠟

草麻子去殼 斑蝥七箇去翅足

右用香油二兩熬巴豆草麻斑蝥三藥以黑為度去粗  
入蠟并盧會末在內用磁罐盛貯微微刮癬令破以油  
塗上過夜略腫而愈

洗藥 紫蘇 樟樹 蒼耳 浮萍煎湯先洗後上敷藥

諸虫傷百四十四 附大蛇咬

一人被犬傷痛甚惡令急吃去毒血隔蒜灸患處數壯痛  
即止更貼太乙膏服玉真散而愈

一人風犬所傷牙關緊急不省人事急針患處出毒血隔  
蒜灸良久而醒用太乙膏封貼飲玉真散二服少甦更  
以解毒散八二服而痊若患重者須先以蘇合香丸灌  
之後進湯藥

針灸經云外立穴治獒犬即風犬所傷發寒熱速灸三壯  
更灸患處立愈春末夏初狂犬咬人待過百日得安終  
身禁大肉蚕蛹食此即發不可救也宜先去惡血灸咬  
處十壯明日以後日灸一壯百日乃止忌酒七日搗韭  
汁一二盞一狂犬傷令人吮去惡血灸百壯効

治蛇入七竅急以艾灸蛇尾又法以刀破蛇尾少許入花  
椒七粒蛇自出即用椎黃朱砂末煎人參湯調灌之內  
毒即解 山居人被蛇傷急用溺洗患處拭乾以艾灸  
之六効 又方 獨頭大蒜切片置患處以艾于蒜上

灸之每三壯換蒜効

一人被蝎螫手痛徹心頃刻熾痛至腋寒熱拘急頭痛惡  
心此邪正二氣相搏而然以飛龍奪命丹塗患處及服

止痛之藥俱不應乃隔蒜灸之遂愈

後有被螫如前灸之痛即止

一人蜈蚣傷指亦用前法而愈

凡蛇毒之類所傷依此療之並効本草謂蒜療瘡毒有  
回生之功

一獵戶腿被狼咬痛甚治以乳香定痛散不應予思至陰  
之下氣血凝結藥力難達令隔蒜灸至五十餘壯痛去  
仍以托裏藥及膏藥貼之愈

一人被鬪犬傷腿頃間熾痛至股翌日牙關緊急用玉真  
散不應隔蒜灸三十餘壯而甦仍以玉真散及托裏  
消毒藥而愈

諸虫傷白礬一塊于端午日自早晒至晚收貯用時旋為

末水調搽患處痛即止

誤吞水蛭一百四十五

一人腹痛食熱則甚諸藥不應半年後腹加腫脹面色痿黃脉不洪滑非癰也詢之始因渴甚俯飲澗水意其誤吞水蛭令取黃泥為丸空心用水送下百丸果下蛭愈

一兒因跌溝中腹痛服驚積等藥不應亦依前症療之愈

一人睡間有虫入耳痛脅將生姜擦猶鼻其尿自出取尿滴耳內虫出

一人耳內生瘡不時作痛欲死痛止如故脉皆安靜非瘡也話間痛忽作予意有虫入耳急取猫尿滴耳果出一臭虫不復痛

或用麻油滴之則虫死難出

或炒脂麻枕之則虫亦出但不及猫尿速也

血風瘡一百四十七

脉浮者祛風為主益氣佐之

脉瀼者祛風為主養血佐之

脉浮而瀼者祛風養氣血

一婦患此作疥五心煩熱以逍遙散劑而止更入參荆芥散二十餘劑而愈

一婦遍身作疥秋冬尤甚脉浮數飲消風散敷蛇床子散數月頓愈

一婦遍身赤色撥破成瘡膿出不止以當歸飲子及蛇床子散而愈

一老婦遍身作癢午前益甚以四君子加荆防芎歸而安

一婦洗頭致頭患腫蕪疥以人參荆芥散數劑而愈  
一婦作疥成瘡久而患起仍疥搔起白屑以四生散數服  
疥止以人參荆芥散二十餘劑而愈

一人遍身瘙疥諸藥不應脉浮按之而瀉以生血藥為主  
間以益氣百貼而愈 此憑脉也

一兒癭瘰瘙疥發熱不安以消風散治之

一兒亦患此咳嗽時嘔以葛根橘皮湯並愈

一婦生風癩似癬三年不愈五心煩熱脉洪按之則瀉此

血虛症也以生血為主風藥佐之若專攻風毒則血愈

虛而熱愈熾血被煎熬則發癩癩或為怯症遂以逍遙

散數劑及人參荆芥散二十餘劑而愈 此憑脉也

一婦遍身瘙疥秋冬則劇脉浮數此風邪客于皮膚名曰

血風癩飲消風散及搽蛇床子散少可更以四物湯加

劑防數劑而愈 此憑脉症也

又一婦患此夏月尤甚脉洪大用何首烏散 此

一婦患赤癩瘙疥搔破成瘡出水久而不愈內服當歸飲

外搽蛇床子散並愈 此憑症也

一婦亦患此諸藥不應以四生散數服而愈

大抵婦人體虛風邪客于皮膚則成白癩寒濕客于肌

肉鬱熱而為赤癩色雖有異治法頗同 凡人汗出不

可露臥及浴經日汗出見濕乃生瘰癧雷公云遍身風

癩酒調生栢子用屢驗

一人每至秋冬遍身發紅點如癩作疥此寒氣收斂腠理

陽氣不得發越拂鬱內作也宜人參敗毒散解散表邪

再以補中益氣湯實表益氣彼以為熱毒自用涼藥愈  
盛復請仍用前湯加茯苓半夏羌活四劑更用補中益  
氣湯而愈此憑症也

河間曰瘡腫因內熱外虛風濕所乘蓋肺主皮毛脾主  
肌肉肺氣虛則腠理開為風濕所乘脾氣濕而內熱則  
生瘡也 腫者由寒熱毒氣客于經絡使血凝壅結成  
腫 風邪內作者則無頭無根 血氣相搏作者則有  
頭有根 赤核種則風熱流會 瘡以痛為實寒為虛  
虛非為寒乃熱之微甚也

麥飯石膏治諸般癰疽神效 附

麥飯石膏不拘多少炭火煨至紅以好米醋淬之如此  
煨淬十數次研為末重羅去粗者取細末入乳鉢數人

更述研五七日如麵極細為妙 白欵研為鹿角不自

者須擇帶脂頂骨全者却是生取之角截作二三寸長  
炭火燒令爛研盡如末再入乳鉢更述研令極細

右用麥飯石膏細末二兩白欵末二兩鹿角灰四兩最

要研得極細方有效粗則反致甚痛細則大能止痛收

口排膿精粗之和合量藥末多寡用經年好米醋入銀

石器內熬令魚眼沸却旋又入藥末用竹篾子不住手

攪熬一二時久令稀稠得所提出以磁器盛之候冷以

紙蓋覆勿令著塵用時先以猪蹄湯洗去膿血以故帛

挹乾鵝翎蘸膏塗付四圍凡有赤處盡塗之但留中心

一口如錢大未潰能令內消已潰則排膿如湍水逐日

瘡口收斂瘡久肌肉腐爛筋骨出露用舊布片塗藥貼

瘡但內膜不穿亦能取安洗瘡勿可手觸嫩肉亦不可

口氣吹着合藥亦忌腋氣之人及月經有孕婦人見之  
仍可熬好米醋一大椀收磁器內候逐日用藥于瘡上  
久則藥乾以鵝翎點醋拂濕其藥勿令稠也初則一日  
一洗一換藥十日後兩日一換 古方云麥飯石顏色  
黃白類麥飯曾作磨者尤佳按麥飯石不可作磨狀如  
麥飯團生粒點如無此石常以舊麵家磨近遠處石代  
之取其有麥性故也或溪中尋白石如豆如米大者即  
是也其石大小不等或如拳如鵝卵略如握聚一團麥  
飯

古之呂西華秘傳此方雖在至親亦不可得裴員外喙  
之以名第河南尹脅之以重刑呂寧守死不傳君子責  
其存心雖隘尚可恕也近世鑿者每見已効之方設為

詭詐之術使人勿復用之其罪不容誅矣常有趙尹來  
宰尤泉速于赴任單騎兼程到任未幾鼻衄大作日出  
血數升有鑿教服藕汁地黄膏趙曰往年因勞感熱而  
驟得此尋叩名鑿服藥遂愈臨分袂時鑿者厲云疾若  
再作不可輕信鑿者服生地黃藕汁水冷脾胃無復可  
療因此半月間易數鑿無効前鑿遂密製藕汁地黄膏  
進之即愈趙問蒙惠藥與吾初衄時所服之藥氣味相  
似得非方同乎鑿曰即目前所獻藕汁地黄膏也趙驚  
嘆曰鑿乃詭謀以誤我耶早信此方不受苦許久

補遺

癰癤一百四十八

此小癰癤方結未成不可貼膏藥取生鹿角尖于砂盆內

同老米醋濃磨以鵝翎塗拂癬之四圍當中留一口遇乾再塗一二月即內消

又方 用吳茱萸微炒為細末鷄子清調塗病處神効此小癰癤疼痛發熱時用生粉草節不多不焙只日晒乾無日于焙籠蓋上微火焙乾研為細末熱酒調服一二錢連追數服痛熱皆止 微竟惡寒似欲發背或已生瘡腫癰疹以硝石三兩煖水一升和令消待冷取故青布背三重于赤處方員濕布搨之熱則頻易立差發背及諸癰毒百四十九

黑鉛一片甘草三兩微炙剉用酒一斗置磁瓶中然後鎔鉛投酒中却出酒另以瓶盛取出鉛依前鎔投如此者九度并甘草去之只用酒令病人飲醉寢則愈

又方 甘草三兩生搗為末大麥麩九兩大盤中攪和令勻取上好酥少許別捻入藥令勻百沸水搜作餅方員大于瘡一分熱付腫上以細片及故紙隔令通氣冷則換之已成膿自出未成膿便內消

發背欲死百五十

取冬瓜截去頭合瘡上瓜當爛截去更合之瓜未及瘡已斂小矣即用膏養之

又方 取獨頭大蒜兩頭細搗以麻油和研厚付瘡上乾即易 或以芋根爛搗傳之數易

石癰堅如石不作膿者百五十一

生商陸根搗爛搽之燥則易

乳硬欲結膿百五十一



以鹿角于臼內磨取白汁塗之乾又塗不得近手并令人嚼去黃水一日許即散

癰癤欲愈必癢又治腎藏濕癢百五十三

一人髀上生癩數日瘡口欲合四邊癢甚以絹帛蘸湯熨洗甚快再癢再熨竟倦鑿云洗熨最損人氣血或至眩絕于是取鹽于四緣遍擦竟瘡內外清涼更不復癢如或癢甚則重擦隨其輕重鹽入瘡內亦無害

刀傷磕損血不止百五十四

一人磕損大指甲離肉血淋急取葱白煨爛乘熱縛定痛與血隨止葱冷再易

一匠斧傷脚跟乘急用泥塞延後收注腫盛發寒熱遂令剔去舊土使血再出却用煨葱白付之不移時痛住血

止 又遇殺傷氣偶未絕急令取葱白鍋內炒熱以傳傷處繼而呻吟再易已無事矣無葱白用葉亦可只要炒熱爲上時易爲佳若傷多煨炮不及但以乾鍋且烙且杵令延出葱熱用之妙



